

Powšitkowne WOZJEWJENJA

njedźelu, 16. meje 2021

Wusyłanje Božemu mšow

Serbskorěčnej Božej mši móža wěriwi tutu njedźelu, 16. meje, znowa jako livestream w interneće scěhować. Dupołdnja we 8.30 hodź. přenjese so jedna z Kulowskeje, dalša w 9 hodź. z Radworskeje cyrkwy. Linkaj na nej stej na internetowej stronje [www. posol.de](http://www.posol.de) kaž tež na wosadnymaj stronmaj podatej.

Biskop přeprošuje k modlenju

Pod hesłom „1 modlitwa na 1.000 městnach“ přeprošuje Drježdźansko-Mišnjanski biskop Heinrich Timmerevers srjedu, 19. meje, wot 19 hodź. na doswjatkowne zhromadne ekumeniske modlerske zetkanje. Zamołwity za powołansku pastoralku diecezy, farar Martin Kochalski, rjekny: „W dočasnym wjeselu na swjatki přeprošuju Was w mjenje biskopa, zo stanjeće so ze svojim zhromadženstwom a swojimi přečelemi džěl tohole wulkeho modlenja. Pačer samo na sebi ma přeco hižo móc, zo njezwjazuje jeničce nas, ale w přnim rjedže nas z Bohom. Přeju nam všem, zo Bóh swjateho Swjateho Ducha na Němsku, naše biskopstwo a kóždého z nas wuliwa.“

Zajimcy měli so po móžnosći z mejlku na officefadikrikor@fhn.life přizjewić. W Drježdžanach budže so biskop Timmerevers w Domje katedrale z małej skupinu modlić. Štóž chcył so tam wobdźělić, měł so tohorunja přizjewić, a to z mejlku na martin.kochalski@bddmei.de. Link z dalšimi informacijemi je pod www.posol.de podaty. Zdobom nańdu zajimcy tam link a přistup k platformje Zoom, přez kotruž móža zarjadowanje live scěhować.

Boža mša na putniskej luce

Na Božu mšu su wěriwi swjatkownu pónďzelu, 24. meje, w 9 hodź. do Róžanta na putnisku luku přeprošeni. Za tute kemše płaća samsne higieniske naprawy kaž w cyrkwi, mjez druhim wužiwanje nahubnika a dodźerženje wotstawka.

Modlenje w Róžeńće

Na modlenje w serbskej a němskej rěči před wustajenym Najswjećišim sobotu, 29. meje, we 18.00 hodź. su wěriwi do Róžeńčanskeje swjatnicy přeprošeni. Škitne naprawy maja so wobkedźbować.

Kurs k wotpočnjenju

Smochčanske kubłanišćo swjateho Bena přeprošuje na kurs k wotpočnjenju a wotwobaranju stresa, kotryž wotměje so wot pjatka do njedźele, 4. do 6. junija. Zajimcy měli so tam hač do pónďzele, 17. meje, přizjewić.

